

25 փետրվարի 1919թ.

Նախագահական աթոռունն է *Գ. Տեր-խաչատրյան*: Մինիստրական օթյակուն են ներքին գործերի և խնամատարության մինիստրները:

Ամբողջ կես ժամ աջն ու ձախը սպասուն են կենտրոնին, որի սեղանները պարապ են: Ապա նախագահը քվորում չլինելու պատճառով նիստը հայտարարում է չկայացած և փակված ժամի 8 անց կեսին:

«Ժողովուրդ», 2 մարտի 1919թ.

28 փետրվարի 1919թ.

Նիստը բացվում է երեկոյան Ժ. 8-ին, նախագահությամբ *Տեր-խաչատրյանի*. մինիստրական օթյակուն են ներքին գործոց, խնամատարության և լուսավորության մինիստրները:

Նիստը բաց հայտարարելուն պես հասարակության միջից լսվում են բացականչություններ. «Չե՛նք ուզում այսպիսի խորհրդարան», «Մենք պահանջում ենք ընտրովի խորհրդարան», «Դու՛րս ինքնակոչ պատգամավորները» և այլն:

*Նախագահ* - Առաջարկում են հասարակությանը հանգիստ մնալ և չխանգարել նիստը, հակառակ դեպքում ստիպված կլինեն հեռացնել դահլիճից:

Քվորում չլինելու պատճառով նիստը հայտարարվում է փակված երեկոյան Ժ. 8 և 5 րոպեին:

*Բժ. Գրո* - Մենք առաջարկում ենք մասնավոր խորհրդակցության բնույթ տալ հավաքույթին և հասարակության համար պարզել այն պատճառները, որ խանգարում են խորհրդարանի նիստերը կայանալուն:

*Նախագահ* - Ես չեմ կարող կազմել այդպիսի խորհրդակցություն:

Նախագահը իջնում է ամբիոնից և թողնում դահլիճը, որտեղ մնում են Էտեռական, Էդելկական և Հայ Ժողովրդական կուսակցության ֆրակցիաները:

Հուզված հասարակությունը շարունակում է աղմկել և պահանջում է, որ թողնեն դահլիճը նստած պատգամավորները:

Բարձրանում և նախագահական աթոռին նստում է խորհրդարանի փոխնախագահ *Զուբյանը* և փորձում է խոսել, սակայն հասարակությունը աղմկում և պահանջում է իջնել նախագահական աթոռից և դուրս գնալ:

*Զուբյանը* չի զիջում և նորից փորձ է անում խոսել:

Հուզված հասարակության մի մասը անցնելով դահլիճի պատվառը, մոտենում է *Զուբյանին* և նրա թևից բռնած ցած բերում ամբիոնից:

Առանց միջադեպի, աղմուկից հետո կրթերը հանգստացած հասարակությունը ցրվում է:

«Զանգ», 12 մարտի 1919թ.